

ainer oder zween zu fieren weren, thut er darzu so vihl und nicht mehr als ein anderer einwohner fleckens.

32. Item ein gericht solle er maier in seinem hauß geben so oft die von Sondtheim zu thon haben fewer und liecht.

5 33. Item der maier soll auch gebieten und verbieten was gemeinen flecken Sondtheim antrifft, dem solle man auch in allen billichen sachen gehorsam laisten und was die von Sondtheim haben einzunehmen und ußzugeben, das solle auch durch den maier mit sampt den heimbirgen geschehen.

10 34. Item wann die von Sondtheim werden holz außgeben, es seie zimmer- oder brennholz, solle der maier allwegen dabei sein.

35. Item wann arm leut herkommen, so solle er maier inen herberg kalt und warm geben ain nacht und nit lenger und lassen zu essen machen, inen auch feuer und wasser da sies gebürlich
15 brauchen nicht wehren, doch inen nicht zu essen geben er welle es dann gern thuon, darumb hat ein maier macht und gewalt, daß er von Sanct Michelstag biß Sanct Georgentag alle Sambstag von Kaltenbuoch biß uff Kelblinsbuoch mag ein fuoder dirr holz schaiden, wa er aber nicht dirr holz finde, hat er macht
20 zu hauen maßhalterin oder ander ohnschädlich holz und wann ime am Sambstag eingefallen were herrngeschäft oder ein feirtag were, so hat er macht an dem nechsten Sambstag hernach zwai fuoder zu holen und sonst ohne erlaucht an keim andern tag.

36. Item der hewzehent in banholtzer wisen gehert einig
25 und allein der pfarr Laychingen zu, sonsten thailen allen kleinen zehenden der alhie gefellt die pfarr Laychingen und der maier miteinander und nembt die pfarr den halben thail und der maier den andern halbtheil, doch das gestrew von erbiß, linsen und wicken, so der pfarr vom zehenden würt, gehert dem widumbhof
30 zu, darumb hat vor alter under gewehrtem bapstum der widumbmaier den rauch in die kirch geben und dem pfarrherr von Lai- chingen wann der alher kommen meß zu halten das roß stellen mießen.

37. Item ain jedes tagwerck garten oder wiesen so umbs
35 dorf im etter ligt, es wachs gleich darinnen was es seie epfel, biren, hanf oder kraut, gibt für allen zehenden järlichs ain kreitzer, halb der caplanei und halb dem maier alhie geherig.

38. Item vom großen zehenden alhie gehert alles gestrew auch kurtz und prietz dem maier das halbtel und dem widumb-
40 maier der ander halbthail, darumb auch der maier und widumb-